

الثالثون عند الآباء الرسوليين ج 1 | أكاديمية حراس العقيدة |

عقيدة الثالثون المسيحية 51

محمد شاهين التابع

بسم الله الرحمن الرحيم السلام عليكم ورحمة الله وبركاته. معكم محمد شاهين التابع ومحاضرة جديدة لاكاديمية حراس عقيدة. اللاهوت المسيحي عقيدة السالوس بنتكلم في النصوص المسيحية المبكرة بدأنا بالعهد الجديد الانجيل اربعة وشفنا نصوص على لسان يسوع المسيح ضد - 00:00:00

عقيدة السالوس آآ بصينا برضه في آآ اعمال الرسل وبعض رسائل بولس في العهد الجديد على النصوص ضد عقيدة الثالثون النهاردة هنبعض على الآباء الرسوليين ونشوف في كتابات الآباء الرسوليين عقيدة السالوس. في حاجة بس عايز اقولها كمقدمة لأن النقطة دي مهمة. أنا باعتقد - 00:00:24

ان طبعا وجود نصوص ضد عقيدة معينة يعني مع وجود هذه النصوص المفروض العقيدة دي لا يمكن تكون عقيدة الصحيحة تم تعليمها. ما ينفعش حد يقول الكلام ده وبيكون مؤمن في نفس الوقت بعقيدة الثالثون. ده المقصود. لكن احيانا - 00:00:44 لا تجد نصوص ضد عقيدة الثالثون. يعني كتابات زي كتابات الآباء الرسوليين. او كثير جدا من رسائل آآ موجودة في العهد الجديد الرسائل دي اصلا تحس ان انت مش فاهم بالضبط ايه المطلوب منها ولا كان ايه المقصود منها والمفروض تتعلم منها ايه - 00:01:04 يعني المفروض ان الرسائل دي كانت بتعالج حاجات المجتمعات المسيحية المبكرة بس يعني ما هياش رسائل في العقيدة مثلما. ما هياش زي القرآن الكريم الكتاب المقدس مختلف. تجد ان فيه اسفار ما بتعلمكش حاجة عن ربنا. ده مش موجود في الاسلام العظيم. ده مش موجود - 00:01:24

القرآن الكريم فعلا يعني الدنيا مختلفة عند المسيحيين. فالمعنى في النهاية ان المفروض الطبيعي ان احنا لما نيجي ندور على عقيدة معينة. ندور على الاadle عليها. لكن للأسف الشديد المسيحيين معترفين بان يعني عقيدة الثالثون علشان احنا نتعلمها من خلال عهد - 00:01:44

جديد الموضوع مش مباشر زي ما المسلمين بيعتقدوا او بيتوقدوا. النقطة دي مهمة جدا انا كنت عملت فيديو عن عقيدة السالوس من المقالة المتعلقة بالسالوس من دائرة المعارف الكتابية. الفيديو ده مهم جدا لانه بيقول معلومات هامة عن موضوع هل - 00:02:04 العهد الجديد بيعلم عقيدة السالوس ولا وأمش عارف مين. لما تيجي تسأل مسيحي فين الثالثون في العهد الجديد؟ هتلافقه بيقول لك بمنتهي البساطة العهد الجديد بيتكلم عن الاب والابن والروح القدس. كوييس؟ ماشي. وبعدين الكتاب المقدس بيقول ان الله واحد. العهد الجديد بيقول ان الله واحد - 00:02:24

وبعدين العهد الجديد بيقول ان الاب هو الله وان الابن هو الله وان الروح القدس هو الله. ففي ضوء ان الله واحد والاب هو الله والاب هو الله والروح القدس هو الله يبقى هو ده الثالثون. انت لازم تستنبطها او وده الاصل بقى من وجهة نظر - 00:02:44

ان انت تقرأ العهد الجديد في ضوء عقيدة الثالثون فتشوف فيه عقيدة الثالثون. طبعا انت بقى لما تيجي تسأل سؤال مashi احنا موافقين ان العهد الجديد بيقول ان الله واحد. وموافقين ان العهد الجديد بيقول ان الاب هو الله. لكن فيه نصوص بتقول ان الاب ده هو الله الواحد - 00:03:04

ان الاب ده هو الله الحقيقي الوحيد. فيبقى كده الموضوع مختلف. طب فين بقى ان المسيح هو الله؟ هنسنبط هنسننتاج فيه خلاف

- كبير هل العهد الجديد بيعلم بشكل صريح ان المسيح هو الله ولا لا ؟ والروح القدس نفس الكلام هنسنبط ونستنتج. صعب جدا -

00:03:24

ان انت تجيب نص بيعلم بشكل صريح انه الروح القدس هو الله. العقيدة دي عقيدة ان المسيح هو الها. المسيح هو الله خدت وقت على ما ظهرت في الكتابات في كتابات الاباء ان تلاقي مسيحي بيتكلم بشكل صريح ويبيقول -

00:03:42
ال المسيح هو الها. احنا بنعبد المسيح. هل انت بتلاقي الكلام ده في العهد الجديد؟ في بعض النصوص بيترجموها بالطريقة دي. لكن برضو حواليها لكن ان انت تقرأ نص مسيحي بيعلم بشكل واضح. المسيح هو الله احنا بنعبد المسيح بالطريقة التي -
00:04:02
تجعلك لا تشك ان دي اكيد كانت عقيدة اللي كتب الكلام ده. ده صعب جدا ان احنا نقول انه موجود في العهد الجديد. واضح جدا ان الموضوع خد وقت على بال ما وجدنا مسيحيين بيقولوا كده. برضه والنقطة دي مهمة جدا. في الوقت اللي بدأنا نلقي فيه مسيحيين بيقولوا ان احنا بنعبد -
00:04:22

المسيح والمسيح هو الها نجد غياب شبه تمام لاي كلام عن روح القدس. يعني مجرد ذكر الاب والام روح القدس في جملة واحدة مفيدة ده نادر جدا للوجود في كتابات الاباء الرسوليين. ممكن تلاقي ان الكلام ده مسلا ذكر مرة ولا مرتين -
00:04:44
انه يقول جملة بيتكلم فيها عن الاب والام الروح القدس. وما بيقولش انهم الله واحد امين. ولا بيقول اه احنا بنعبد السالوس اللي هو لأ خالص هو بيتكلم عن الاب اللي ارسل الابن مش عارف مين الروح القدس. حاجة كده يعني بيذكر التلاتة في جملة واحدة. طبعا ده بالنسبة للمسيحيين يبقى هو كان بيؤمن بعد -
00:05:04

السالوس على طول. اللي انا حابب بس اوكل عليه قبل ما ندخل في موضوع الاباء الرسوليين ده. ان المفروض لو كانت عقيدة الثالوث عقيدة علم بها المسيح عليه السلام بشكل واضح. سواء قبل قيامته او بعد قيامته. علم بها تلاميذ المسيح بشكل واضح. طبعا بعد قيامة المسيح ورفع -
00:05:24

المفروض كنا نلقي يا جماعة احنا بنتكلم عن الله اللي بنعده. الاب والام روح القدس. لا تجد مثل هذا بوضوح الا متاخر جدا. وده بالنسبة لي بيبدل بشكل واضح على تطور العقائد المسيحية. فيه ب نقطة تانية من اهم الحاجات -
00:05:44
اللي انت لازم تلاحظها في موضوع الاباء الرسوليين وهو بدرجة ما منطبق ايضا على كتابات العهد الجديد. ان كتابات الاباء الرسوليين في منها برضو كتابات مجھولة الكاتب. احنا ما نعرفش مين اللي كتب الكتابات دي. وفي خلاف شديد جدا. الكتابات دي اتكلبت امتى ؟ وبالتالي بما ان -
00:06:04

احنا مش عارفين اصلا الكتابات دي مين اللي كتبها. الكتابات دي بتعبر عن عقيدة مين تحديدا. وبتعبر عن اي مرحلة تاريخية تاريخ المسيح هل كتابات الاباء الرسوليين بتعبر عن عقيدة كانت موجودة في اواخر القرن الاول الميلادي؟ بدايات القرن الثاني الميلادي منتصف -
00:06:24

في القرن الساني الميلادي اواخر القرن الساني الميلادي. بدايات القرن الثالث الميلادي. ايه الجنان ده! ازاي يعني! اه! علشان احنا في كتابات اولا احنا مش عارفين مين اللي كتبها. ومش وبالتالي مش عارفين بالضبط اتكلبت امتى. ومخطوطاتها مضروبة بالنار فما احناش قادرین -
00:06:44

نكون واثقين من ان النص اللي في المخطوط ده بيمثل بالفعل كلام الاب اللي عاش في الفترة الزمنية دي حاجة كده اشبه بان يسوع المسيح عاش على الارض كان بيعلم مسلا من سنة تمانية وعشرين ميلادية لسنة ثلاثة وتلاتين ميلادية في الرينج ده. وارتفاع للسما -
00:07:04

كويس ؟ يعني هو عاش في النصف الاول من القرن الاول. وبعدين انجيل يوحنا اتكلب في اخر القرن الاول من سنة تسعين لمية. ما مدى موثوقية ان الكلام اللي منسوب للمسيح في انجيل يوحنا بيعبر فعلا عن اللي قاله المسيح اثناء حياته على الارض. فيه فرق زمني وفيه مشاكل كتير في النص -
00:07:24

يوحنا جايب الكلام ده منين وعرفه منين ومش عارف لكن احنا على ابسط تقدير نتمنى ان احنا نعرف مين اللي كتب هذا كتاب من

كتابات الاباء الرسوليين. وكتب الكتاب ده امتنى؟ يبقى هو يعبر عن مسيحي عاش في الفترة دي. لكن مع الاخذ في الاعتبار ان دي -

00:07:46

الاباء الرسوليين يعني ايه بقى كتابات الاباء الرسوليين؟ فيه خلاف كبير حوالين هل فعلا كل الكتابات دي كتابات اباء رسوليين؟ لكن لما المسيحيين بشكل عام بيقولوا الاباء الرسوليون بيقصدوا اباء الكنيسة اللي لهم علاقة ما بالرسل -

00:08:06

تعني التابعين. يعني لو احنا بنتكلم عن المسيح والصحابة التلاميذ والرسل جيل اول. فدول الاباء الرسوليين اباء الكنيسة اللي كان لهم علاقة بالتلاميذ او الرسل. فهم غالبا ناس من الجيل الثاني المسيحي او الثالث -

00:08:26

ايا كان ما سمعوش الرب يسوع ولا اتبعوه. لكن هم اتعلموا على ايديين قادة كبار مسيحيين. سواء كانوا هم في حد ذاتهم آآ تلاميذ ورسل او قريبين منهم جدا يعني. فاحنا بنتكلم عن طبقة التابعين وتابعي التابعين -

00:08:46

الناس اللي كانوا اتولدوا في اواخر القرن الاول الميلادي. وعاشوا في القرن الثاني الميلادي. او في الرينج ده يعني. النصف الثاني من القرن الاول النصف اول من القرن السانبي. ده في الغالب احنا هنعتمد على النسخة بتاعة مايكيل هولنز الاباء الرسوليون

الكتابات -

00:09:06

في المئة سنة الاولى باللغتين العربية واليونانية. وده تعريف للنسخة الانجليزية اللي هم ترجموها بتاعة مايكيل هولمز وده اه دي معلومات الطبعة العربية اللي احنا هنقرأ منها. ده الفهرس فيه مدخل للاباء الرسوليين وده مهم جدا. وبعدين بقى الكتابات -

00:09:26

اللي بتحط تحت قائمة الاباء الرسوليين. رسالة كلمداس الاولى والثانية ورسائل اغناطيوس الانطاكي. ورسالة بوليكاربوس الى اهل فيليبي رسالة استشهاد بوليكاربوس ادي داخل رسالة برنابا راعي هرماس. وبعدين في الرسالة الى ديوجنينوس وشذرة -

00:09:56

وشذرات بابيوس وتقليد الشيوخ. الثلاثة الاخارة دول تقريبا ما فيهمش اي حاجة تقدر تشف منها عقيدةبني ادم ده كان ايه بالضبط فيما يخص يسوع المسيح او الروح القدس او السالوس بشكل عام فاحنا اخر حاجة -

00:10:16

نبض عليها رسالة الى ديوجنينوس المفروض ان الكتابات دي يعني بيعتقد بشكل ما او كان بيعتقد او ايا كان في الایمان المسيحي التقليدي او المسيحية التقليدية الكتابات دي بترجع لناس المفروض عصر الرسل او منسوبة حتى للرسل -

00:10:36

رسل وتلاميذ المسيح. فاحنا هنا بنتكلم عن مدخل الى الاباء الرسوليين بتاع مايكيل هولمز. بيقول كان كتبت تلك النصوص وللأسف يظل منهم مجھولین لنا. كتبت تلك النصوص وللأسف يظل العديد منهم مجھولین لنا. يعني اغلب -

00:10:59

الكتابات دي اللي هم بيسموها كتابات الاباء الرسوليين. لما تيجي تتحقق وتدقق مين اللي كتب الكتابات دي؟ ما نعرفش مين اللي كتبها. وانا من اهم الحاجات اللي انا عايز اوصلها للشخص اللي بيستمع للمحاضرة ده انه يدرك ان -

00:11:19

التاريخ المسيحي ضعيف جدا جدا. التاريخ المسيحي التراث المسيحي ضعيف جدا. وفكرة التقليد اللي هي بتقول ان المفروض العقيدة المسيح علمها لتلاميذه والتلاميذ علموها لـ تلاميذهم. اللي هم الرسوليين والاباء الرسوليين علموه لتلاميذهم. اباء القرن الثاني وتلاميذهم لتلاميذهم. وصولا الى اباء عصر -

00:11:37

مجموع اسماسيوس الرسولي بيدعني ان العقيدة اللي هو بيعلمها دي نائلها عن التقليد نائلها عن الاباء والرسل. منقوله جيلا بعد جيل. فين جيل بعد جيل؟ والكتابات فيه منها اللي مفقود -

00:12:07

فيه منها اللي مخطوطات وممنوعة بالنار فيه منها اللي انت ما تعرفوش اصلا مين اللي كتبها. فين التقليد؟ فهنا بيقول لك يظل العديد منهم مجھولین لنا يشكلون مجموعة متباعدة واسرة. ومن المؤكد انهم لم يتم تمييزهم بصفة خاصة كمؤلفين بل كثيرا ما كان يتم انتقادهم على سبيل المسال -

00:12:25

كثيرا ما كان يتم انتقادهم بأنهم انحرفو بعيدا عن نقائص ورفة الایمان والتعليم الرسولي. اللي هو فيما معناه الكتابات دي فيها هرطقات بدرجات متفاوتة. النهاردة احنا مش هنهتم بما هي الهرطقات والاساطير -

00:12:45

خرافات والخزعبلات اللي موجودة في كتابات الاباء الرسوليين. مش هتكلم في الموضوع ده خالص. انا بس حاول يعني الكتاب ده

لما نقرأ هيبقى ايه تصورنا عن عقيدة الشخص ده فيما يخص الاب والابن روح القدس بس كده برضو في - 00:13:05
بيتكلم هنا عن نقطة مهمة ان كتابات الاباء الرسوليين بتظهر نوع من التطور. ان ان الكلام ده ما كانش موجود قبل كده. الكلام اللي بيقوله مايكيل هومز هنا خطير. مع الاخذ في الاعتبار انه بروتستانتي فيقول لك هم البروتستان اصلا بيكرهوا التقليد - 00:13:25
لكن كلامه صحيح جدا. وتقدر تجيب عليه ادلة من نص كتابات الاباء الرسوليين. هنا بيضرب في موضوع الاساقفة والشمامسة والرتب في الكنيسة. فيبيقول لك رسائل اغناطيوس مهمته قوي بالموضوع ده. نجد في الكنائس الاغنطية - 00:13:45
مفروض بنية ثلاثة. الكنائس الاغنطية اللي هي تبع اغناطييس يعني الامطار. فيها بنية ثلاثة من اسقف واحد يخدم تحت رعايته شيخ اللي هم قساوسة يعني وشمامسة. هو بيقول هذه البنية الثلاثية - 00:14:05
في الكنائس تطور ما كانش موجود ايام بولس. ان انت ان الكنيسة ببقى فيها اسقف واحد تحتيه اساوسة تحتيهم شمامسة البنية دي هي اللي عليها الكنيسة دلوقتي. فهو بيقول بالنسبة الى القديس اغناطيوس كان الاسقف هو مقوم - 00:14:25
الكنيسة كلها. فلا يمكن ان تكون هناك افخرستية او معمودية صحيحة في غيابه. بل ينبغي ان يطاع وكأنه هو الله نفسه. ماشي ومن الواضح ان ثمة حركة كانت انداك صوب بنية يكون الاسقف فيها على الاقل جزئيا. هو الذي يملأ الفراغ - 00:14:45
الذى تركه الاباء الرسل. فبدل الرسل في الاسقف. شف بقى هنا قايل ايه ما بين قوسين. حتى ان المزاعم بان اولئك وسابقيهم يمكن اختلافهم في سلسلة لا تقطع الى الاباء - 00:15:05
الرسل انفسهم تبدو انها جهودا لاحقة. تنافي الحقيقة لتبرير التطوير جديد في مؤسسة او منزومة الكنيسة الذي يمثله هؤلاء الاساقفة ذوي السلطة الواحدة المطلقة دي الكلام اللي ما بين قوسين دول يتبروزوا. هو بيقول البنية في الكنيسة اتغيرت على على ايام الكنائس الاغنطية. بقى فيه الاسقف - 00:15:25
اللي هو بديل الرسل. والكنيسة بتدعى ان الاسقف ده بيبقى قبليه اسقف عينه بيبقى لاسقف عينه رجوعا الى مين ؟
سلسلة لا تقطع الى الاباء الرسل انفسهم. يعني هو عايز - 00:15:55
بيقول لك تلاميذ رسل مسيح لما كانوا بياسسو الكنائس كانوا بيخلوا حد انت المسئول عن الكنيسة دي. فيبقى خد سلطته من من واحد من تلاميذ او رسل المسيح. وبعدين بقى هو ده الاسقف. الاسقف ده في وقت ما بيعلن اسقف مكانه. فيبيقوم معين - 00:16:15
سلسلة من الاساقفة بيرثوا بعض. مايكيل هولمز هنا بيوضح ان ادعاء الكنيسة ان الاساقفة دول والسابقيهم يمكن اختفائهم في سلسلة لا تقطع الى الاباء الرسل انفسهم. فكرة التقليد والسد المتصل ده - 00:16:35
تبدو انها جهودا لاحقة. تنافي الحقيقة. الحقيقة بتبين غير كده. لتبرير التطوير. والتطوير ده مش بس في بنية الكنيسة. التطوير ده كمان في العقيد. النقطة دي مهمة جدا. رسائل الاباء او كتابات الاباء الرسوليين بيظهر فيها - 00:16:55
هذا التطوير. برضه فيه هنا نقطة مهمة جدا الاباء الرسوليون وتاريخ الكنيسة الاولى. قبيل القرن التاسع عشر القرن التسعتاشر لم يكن للاباء الرسوليين تأثير تقريرا على دراسة الكنيسة الاولى. ما حدش كان مهتم بكتابات الاباء الرسوليين دول. ده لغاية القرن التسعتاشر - 00:17:15 -

يوسابيوس القيصري بتاع تاريخ الكنيسة. قرن تالت ورابع. وهو مؤرخ كنسي قديم قد استفاد بشكل جيد بالكثيرين منهم لكنه كان مثالا معزولا. يعني مين غيرك يا يوسابيوس كان مهتم بدراسة كتابات الاباء الرسوليين. النقطة دي والله - 00:17:35
العظيم بتهدم التقليد. ما فييش تقليد. الاباء الرسوليين دول اللي هم تلاميذ الرسل. ما حدش كان مهتم بدراسة كتاباتهم من النادر جدا ان نجد احدا منهم وعلى الاخص اغناطيوس مذكورا في الجدل العقدي في القرنين الرابع والخامس. النقطة دي تتبروز. المفروض في عصر الماجماع. في مجمع نيقايا سنة تلتمية خمسة وعشرين - 00:17:55
في مجمع القسطنطينية سنة تلتمية واحد وثمانين في مجمع افازس سنة ربعمية واحد وتلاتين. المفروض الاباء الكبار لما بناقشوا خلاف عقائدي يقوموا قايلين العقيدة اللي احنا بنعلمنا. عقيدة رسولية نقلناها عن الاباء اللي قبلينا. فعلى سبيل المثال - 00:18:21
الاب الفلانى من الاباء الرسوليين علم بهذه العقيدة وقال ويقتبس. الكلام ده بلح. الكلام ده ما فييش. ما فييش نادرا جدا ان نجد احدا

منهم، وعلى الاخص اغناطيوس مذكورة في الجدل العقدي في القرنين الرابع والخامس. ومنذ القرنين الخامس وحتى - 00:18:41 السادس عشر تقريبا لم تكن تلك الكتابات معروفة على الاطلاق خاصة في الغرب. لأن الكتابات دي فضة ملح وداب عارف يعني ايه فضة ملح ودب كأنها اتحولت لملح ميه فذابت في الماء واختفت - 00:19:01

هي دي الرسولية. وادعاء التقليدي الكنسي الرسولي. نقطة بقى كمان هل الكتابات دي اصيلة ولا كتابات مزورة ورا الكتابات دي بتاعة مين ويتمثل مين ونعرف منين انها فعلا كتابات للباء رسوليين فمايكيل هولمز بيقول اكس - 00:19:18

ذلك يتبقى السؤال ما حول اصالة تلك الكتابات. خاصة انها لا تزال قريبة الصلة بعد كبير من الكتابات الاخري المزورة والتي تحمل عنوانين مشابهة او تزعم نسبها لنفس المؤلفين. ويبيتكلم عن الموضوع ده. طبعا ده خلاف كبير عند النصارى. اللي بيقول لك انه مزور - 00:19:38

بيقول لك مش مزور. وفي برضو نقطة كمان قبل ما ندخل في رسالة اكلمانداس الاولى غير فكرة هو احنا نعرف الكاتب ولا ما نعرفوش؟ هو الكتاب ده اصيل ولا مزور؟ هو الكتاب ده نص وموثوق ولا محرف؟ بنجد ان فيه ملامح كثيرة جدا - 00:19:58

كتابات الباء الرسوليin دول مخطوطاتهم متاخرة جدا. يعني في افضل الاحوال زيها زي الكتاب المقدس مخطوطات بترجع للقرن الرابع والخامس. ده على افضل الاحوال. فيه بعض الكتابات بترجع لمخطوطات من القرن - 00:20:18

الشهر الميلادي. يعني فرق زمني ما بين اقدم مخطوطة والنصل الاصلي المفقود الف سنة. عايز تفهمني ان النص بتاع الاب اللي عاش في القرن الاول او الثاني. فضلوا محافظين عليه وعلى نص كلامه الف سنة انقطاع - 00:20:36

وفجأة ظهرت مخطوطة فيها النص الكلام ده كله لازم يفضل في بالك لما تلاقي ان فيه بعض كتابات الباء الرسوليin تعلن عقيدة خريستولوجية متطرفة. مش هاقول لك عقيدة الثالوث. فيه كتابات من كتابات الباء الرسوليin. واضح فيها نفس تعاليم - 00:20:56

العهد الجديد. تقرأ الكلام ده لا يمكن يخطر في بالك ان الرجل ده بيعبد المسيح. دي دي اول نقطة. كتابات لما تقرأها لا يخطر في بالك ان الرجل ده بيعبد المسيح. واضح جدا ان ده بيؤمن بان الاب هو الله. الله الحقيقي الوحيدي. زي ما بتلاقي في الاناجيل - 00:21:16

زي ما بتلاقي في اغلب العهد الجديد. كويس؟ ده اول نقطة. كتابات بتتوافق اللي عليه اغلب العهد الجديد. المرحلة الثانية عبادة المسيح لكن مع غياب الروح القدس. فهو بيتكلم عن الله اللي هو الاب. ويبيتكلم عن ابن الله اللي هو الابن - 00:21:36

المسيح وبيعبد المسيح بيقول ان المسيح ده الهنا وبنعبده. ايه بقى العلاقة ما بين الاب والابن؟ وفيين الروح القدس؟ الروح القدس غالبا غائب. زي ما هو غائب في العهد الجديد. طيب علاقة الابن بالاب يا اما مهمته ما تبقاش فاهم بالربط هو بيؤمن بايه. او بتلاقي - 00:21:56

ان في مشكلة. تالت مرحلة وواضح انها في بعض الكتابات المتاخرة لكنها ضمن قائمة الباء الرسوليin. انه بيعبد الابن وبيقول الكلام عن الروح القدس مفاده انه بيؤمن بالوهية الروح القدس؟ ممكن. فيبيقى اب وابنه روح القدس - 00:22:16

لكن هو برضه ما بيتكلمش عن الثالوث. كلمة سالوس واوصافه اقرب الى الوثنية انه بيعبد ثلاثة شوية عن الاب. بيتكلم شوية عن الابن. بيتكلم شوية عن الروح القدس. ما بيقولش ان دول الله الواحد او ان انت تفهم - 00:22:36

عقيدة ثالوث مبتلورة وواضحة. المراحل الثلاثة دول اول مرحلة ذكرناها بتبتدي تختفي في كتابات اباء القرن اللي هي انهي مرحلة؟ نفس اللي بنجده في اغلب العهد الجديد ان الاب هو الله الحقيقي الوحيدي. ولا يمكن يكون الشخص ده بيعبد المسيح - 00:22:55

بتلاقي في كتابات اباء القرن الثاني المسيح الله واحنا بنعبده. او احنا بنعبد المسيح. طب فيين الروح القدس؟ برضو غائب. بعد كده بنجده نلاقي كلام عن الابن فيه تأليه وعبادة وكلام عن الروح القدس وده برضو بيقى نادر جدا بس يعني يمكن بيعتبر الروح القدس الله ولا حاجة - 00:23:15

ازلي ولا ايا كان مش واضح برضو قد كده. لغاية ما نصل بقى لكتابات اباء عصر المجامع اللي بيربطوا الدنيا كلها وبيعلمه بشكل واضح ان الله هو الاب والابن الروح القدس. وان التلاتة من جوهر واحد والابن ده مولود وروح القدس ده من - 00:23:35

نق والتلاتة مساوين في الجوهر الدنيا بقى ايه متبلورة وواضحة وصريحة. نبدأ بقى باذن الله سريعا وربنا هيبارك في الوقت رسالة كليمندوس الاولى. يعني فيه كتاب اسمه رسالة كلمنداس الاولى. الرسالة دي مين اللي كتبها وبترجع لسنة كام ومخطوطة -

00:23:55

عاملة ازاي؟ اي كتاب قبل ما نقرأ منه هنسائل التلات اسئلة دول. مين اللي كتب الكتاب ده؟ اتكلبت امتى ومخطوطات الكتاب عاملة ازاي. فهنا بيقول لك ان رسالة من المسيحيين الى روما كزا وكارينسوس المعروفة باسم كلمندس الاولى. هي واحدة من اقدم الكتابات

- 00:24:15

الباقيه حتى الان. خارج نطاق العهد الجديد تمت كتابتها في روما تقريبا في حدود الزمان الذي كان فيه يوحنا يكتب سفر الرؤيا وهي تكشف شيئاً ما عن ظروف المسيحيين ومش عارف مين. يبقى كليمنداس الاولى دي من اقدم الكتابات المسيحية الباقيه خارج العهد الجديد. ماشي - 00:24:35

مين الكاتب؟ مين اللي كتب الرسالة دي؟ توحى وحدة الاسلوب بان الرسالة هي لكاتب واحد. وبالرغم من ان الرسالة التي تم ارسالها نيابة عن الكنيسة كلها لم تذكر اسم كاتبها. يعني الرسالة دي في الاصل مجهرة الكاتب. هتبيجي تقرأ النص مش هتعرف مين -

00:24:55

اللي كتبه. الله! امال بنعرف مين مين اللي كاتب؟ فان التقليد القديم المشهود له بالمصداقية ومعظم المخطوطات تحدها وبانها عمل كليمندس والذي تظل هويته الدقيقة رغم ذلك غير واضحة. تخيل! واحدة من اقدم الكتابات - 00:25:15

هي نفسها ما بتتلناش على مين اللي كتبها. التقليد بيقول لنا ده واحد اسمه كليمنداس. مين كليمندز ده؟ برضه ما احناش عارفين على وجه الدقة هو مين؟ يقول التقليد عنه انه الاسقف الثالث لروما بعد بطرس - 00:25:35

00:25:50

يبقى ده واحد اسمه كليمندس الروماني. نسبة لروما. كان الاسقف السادس لروما بعد بطرس هنا بيقول فيما يخص تاريخ الرسالة الرسالة دي اتكلبت امتى؟ توحى الاشارات الواردة بالرسالة زاتها ان الوثيقة ربما كانت قد حررت في -

00:26:08

وقت ما اثناء العقددين الاخرين من القرن الاول. هو زي ما قال في الاول يعني يمكن في نفس وقت رؤية يوحنا. هو بيقول لك من خمسة تسعين سبعة وتسعين خمسة وتسعين لمية. زي رؤية يوحنا اللاهوت. كويس قوي. هنا بيتكلم عن الرسالة دي وصلت لنا -

00:26:28

ازاي ومش عارف مين. هو هنا بيقول نقطة مهمة ان في بعض المسيحيين اعتبروا الرسالة دي كتاب مقدس. يعني رسالة كليمندس اي رسالة بولس كتاب مقدس. بعض الاباء في القرن الثاني اعتبروا رسالة كليمندس كتاب مقدس. بل جعلت ايضا -

00:26:48

جزءاً من بعض نسخ العهد الجديد. وده يمكن سبب من اسباب ان احنا لقينا مخطوطة فيها الرسالة. ان المسيحيين كانوا بيعتبروها كتاب مقدس فاقدم مخطوطة عندنا هي المخطوطة السكندرية من القرن الخامس -

00:27:03

فيها كليميندس الاولى والثانية. مباشرة بعد سفر الرؤية. ماشي. فيبقى بالنسبة للتلات اسئلة مين اللي كتب؟ واحد اكس امو كليمندس روماني اسقف روما ما نعرفش هويته بالضبط. طب كتب الكلام ده امتى؟ او اخر القرن الاول الميلادي نفس فترة رؤية يوحنا -

00:27:23

اللاهوت. والمخطوطات زيها زي برضو رؤيا يوحنا اللاهوتي. مخطوطات كتابية. المخطوطة السكندرية من القرن الخامس اقدم مخطوبة. بص هنا بيقول لك النص اليوناني الكامل لکليمنداس الاولى قد بقي فقط في مخطوط وحيد. ده بيرجع للقرن الكام -

00:27:42

القرن الحداشر الميلادي قلبي هييف. امال المخطوطة السكندرية فيها ايه؟ المخطوطة السكندرية من القرن الخامس ناقصة فيها بعض فقرات النص و فيه مخطوطة اللي بعديها على طول المخطوط القسطنطيني من القرن الحداشر. تخيل! يعني مخطوطة من القرن الخامس -

شيء الا ان في مسيحيين اعتقادوا ان رسالة كليمينديز كانت ضمن الكتاب المقدس فلقينا لها مخطوطة من القانون الخامس. فجأة

بتحتفي مخطوطة من القرن الحداشر. الله المستعان. نقرأ بعض الفقرات مع الالاذ في الاعتبار ان رسالة - [00:28:02](#)
الاولى الى كنيسة كورينسوس تعتبر من اقدم الكتابات المسيحية خارج العهد الجديد. هنا بيقول ايه؟ قانعين بما قسمه الله لكم
مسرعين الى سماع كلامه مفتكون باجتهاد في قلوبكم كذا. قانعين بما قسمه الله لكم بالله في الهاشم - [00:28:19](#)

بص مكتوب ايه ؟ بدل الله معظم المخطوطات القديمة تقرأها المسيح. فيه تحريم فيه نصوص ممكنا بتتكلم عن الله تتحرف تبقى
عن المسيح وده طبعا هيبقى له تأثير على استقراء عقيدة الرجل. هو غالبا قانعين بما قسمه الله لكم - [00:28:39](#)

بيتكلم عن الاب وتقريرا المخطوطة السكندرية بتقول قانعين بما قسمه الله لكم وبابين مخطوطات بعد كده بتقول لأ. قانعين بما قسمه
لكم. فانت باي بقى ايه تصورك عن المسيح ماشي. مقطع تاني بيصف المسيح بيقول عنه صولجان عظمة الله - [00:28:59](#)

يسوع المسيح. صولجان الله يسوع المسيح. ففي هنا عالية لكن هو ما زال بيستخدم لفظ الجلاله الله كلام عن الاب وبيرفع بقى من
قدر المسيح لكن هو ما بيتكلمش عنه على انه الله. برضه بيقول تسلم الرسل الانجيل - [00:29:19](#)

يعني ايه تسلم الرسل الانجيل ؟ ده ملمح بنلاقيه في بعض كتابات الاباء الرسوليين لأنهم بيتكلموا عن الانجيل بطريقه تسلم الرسل
للنجيل من الرب يسوع المسيح. يسوع المسيح سلم الانجيل للرسل. يعني ايه يسوع المسيح سلم الانجيل للرسل ؟ ده له علاقة
بموضوع انجيل يسوع - [00:29:39](#)

وانجيل المسيح عيسى ومش عارف مين. طيب. ويسوع المسيح ارسل من الله. اذا فان المسيح هو من الله. من الله يعني ايه؟ يعني
لرسل من الله والرسل هم من المسيح. فما زال بيتكلم عن الاب بلفظ الجلاله الله او هوثيوس يعني ويب - [00:29:59](#)

بيعمل مغایرة ما بين المسيح والله. يسوع ارسل من الله. مش هو الله. طيب. الفقرة دي تحت عنوان الصلاة من اجل السلام والغفران
اقرا كده الصلاة دي وحاول تقنعني ان كاتب الرسالة دي كان بيؤمن ان المسيح هو الله. شف بيقول ايه. رغم - [00:30:19](#)

ذلك فانتا من جهتنا سنكون ابريء من هذه الخطية. فنطلب بصلات جادة وتتوسل عميق ان يحفظ مختاريه في كل العالم بخدمته
الحبيب بعده الحبيب يسوع المسيح الذي به دعانا من الظلمة الى النور. ومن الجهل الى معرفة مجد اسمه. بيصللي لله الاب -
[00:30:39](#)

وبذكر يسوع المسيح على انه عبدالله الحبيب. في النص اليوناني كلمة بابوس تم استخدامها. وكلمة بابوس دي كان فيه
تحقيق لنصف مهم اسمه التقليد الرسولي لهيبوليتوس الروماني. هيبوليتوس الروماني ده بيقول ايه؟ الذي - [00:31:08](#)

اعطيته لابنك فتاك المحبوب يسوع المسيح. شف هنا بيقول ايه؟ بخدمته الحبيب يسوع المسيح ده رسالة كليمندوس الاولى. هنا
كتاب التقليد الرسولي لهيبوليتوس الروماني. بعض العلماء بيقولوا انه برضه من كتابات القرن الثاني. هو بيقول فتاك المحبوب -
[00:31:28](#)

يسوع المسيح. في الهاشم بيقول ايه؟ الكلمة بابيز اللي هي بابوس برضو. وكانت بتترجم فتنى كما في اعمال الرسل فتاك القدوس
يسوع عبد القدوس يسوع. وتأتي الكلمة ايضا بمعنى عبد الله. عبد الله. وكانت - [00:31:47](#)

كلمة تشير الى انباء العهد القديم في خدمتهم ليهود. يعني رسالتك للمهندس الروماني اللي يعتبر من اقدم من رسائل او اقدم
الكتابات المسيحية خارج العهد الجديد. يعتبر انكتب في نفس زمن رؤية يوحنا. ما زال - [00:32:07](#)

حافظ على نفس العقيدة اللي بنلاقيها في العهد الجديد. ان الاب هو الله ويسوع هو عبدالله. رسول من الله برضو في رسالة
كليمندوس الاولى وافتتح اعين قلوبنا لنعرفك بيكمل الاب. انت الوحيد الاعلى من كل عادل - [00:32:27](#)

انت القدوس الساكن وسط القديسين. وبعدين بيتكلم عن عن الله بيقول ايه. انت وحدك حافظ الارواح واله كل جسد اخترت الذين
احبوك بيسوع المسيح عبدك الحبيب. ده واحد كان بيعد المسيح. فلتتعرف كل الشعوب - [00:32:47](#)

انك انت الله الوحيد. الاب. انت الله الوحيد. وان يسوع المسيح هو عبدك. وانت شعبك وغم مرعاك. تاني بكرر الكلام ده موجود فين
؟ في رسالة كليمندوس الاولى الى كنيسة كورينسوس. اقدم كتاب - [00:33:07](#)

مسيحي خارج العهد الجديد. اتكلب في نفس زمن رؤية يوحنا اللاهوتي. بيقول لا الله الا الاب يسوع عبد الاب. فلتتعرف كل الشعوب

انك انت الله الوحيـد . وان يسـوع المـسيـح هو عـبدك - 00:33:27

وانـنا شـعـبـك وـغـنـمـ مرـعـاـكـ . فـيـه مـسـيـحـيـ النـهـارـدـة يـصـلـي لـهـ هـذـه الـصـلـاـةـ . وـالـلهـ شـيـءـ عـظـيمـ تـعـرـفـ كـلـ الشـعـوبـ انـكـ اـنـتـ اللهـ الوـحـيدـ .
وـالـنـاسـوـعـ المـسـيـحـ هوـ عـبـدـكـ وـغـنـمـ مرـعـاـكـ . عـاـيـزـ كـدـهـ مـسـيـحـيـ يـبـرـوـزـ الـكـلـامـ دـهـ فـيـ بـرـوـازـ وـيـعـلـقـهـ فـيـ اوـضـتـهـ وـيـكـتـبـ تـحـتـيـهـ -

00:33:47

رسـالـةـ كـلـيمـنـدـسـ الـأـولـىـ إـلـىـ كـنـيـسـةـ كـوـرـيـنـتـوـسـ . اـقـدـمـ كـتـابـ مـسـيـحـيـ خـارـجـ الـعـهـدـ الـجـدـيـدـ . لـانـ هـوـ دـهـ الـمـقـيـاـسـ الـلـيـ نـقـيـسـ عـلـيـهـ باـقـيـ
الـكـتـابـاتـ الـأـبـاءـ الرـسـوـلـيـينـ . لـانـ كـلـ الـكـتـابـاتـ التـانـيـةـ اـتـكـتـبـتـ بـعـدـ هـذـاـ الـكـتـابـ . فـلـوـ لـقـيـنـاـ - 00:34:14

مـالـاحـ تـطـورـ الـرـاجـلـ عـمـرـهـ مـاـ بـيـقـولـ انـ مـسـيـحـ الـهـنـاـ . مـاـ بـيـقـولـشـ اـنـاـ بـاعـبـدـ مـسـيـحـ . مـاـ بـيـجـبـشـ سـيـرـةـ الـرـوـحـ الـقـدـسـ فـيـ الـمـوـضـوـعـ .
Bـيـقـولـ اـنـ الـاـبـ هـوـ وـالـلـهـ الـوـحـيدـ وـانـ يـسـوعـ الـمـسـيـحـ هـوـ عـبـدـ اللـهـ . عـبـدـ اللـهـ الـاـبـ . لـماـ الـاـقـيـ كـتـابـاتـ تـيـجيـ بـعـدـيـهـ تـقـولـ لـأـ دـهـ الـهـنـاـ يـسـوعـ -

00:34:34

تـعـرـفـ اـيـهـ دـهـ ؟ طـرـيقـةـ الـكـلـامـ دـيـ ماـ كـانـتـشـ مـوـجـودـةـ . دـهـ بـيـمـثـلـ طـرـيقـةـ كـلـامـ اـتـطـورـتـ ظـهـرـتـ بـعـدـ كـدـهـ . مـاـ بـنـلـاقـيـشـ فـيـ فـيـ الـخـطـبـ بـتـاعـةـ
عـمـالـ الرـسـلـ الـكـلـامـ عنـ اـنـ يـسـوعـ الـهـنـاـ . بـنـلـاقـيـ الـاـبـ - 00:34:54

هـوـ الـلـهـ الـوـاحـدـ وـيـسـوعـ هـوـ عـبـدـ اللـهـ . فـتـاكـ الـقـدـوـسـ يـسـوعـ عـبـدـكـ الـقـدـوـسـ يـسـوعـ . بـيـقـىـ الـرـاجـلـ دـهـ مـاـشـيـ عـلـىـ الـلـيـ اـحـنـاـ نـلـاقـيـهـ فـيـ
عـمـالـ الرـسـلـ . مـرـةـ تـانـيـةـ كـمـ اـرـضـاهـ اـبـاؤـنـاـ الـذـيـنـ تـحدـثـنـاـ عـنـهـمـ قـبـلـاـ اـذـ عـانـوـاـ فـيـ اـتـضـاعـ اـمـامـ الـاـبـ - 00:35:13

الـلـهـ الـخـالـقـ وـمـعـ كـلـ النـاسـ بـيـتـكـلـمـ عـنـ الـاـبـ . بـيـقـولـشـ اللـهـ الـاـبـ . بـيـقـىـ الـاـبـ اللـهـ الـخـالـقـ . فـيـقـىـ هـوـ بـيـحـصـرـ فـهـمـهـ عـنـ
الـلـهـ فـيـ الـاـبـ . الـاـبـ هـوـ اللـهـ . وـالـلـهـ هـوـ الـاـبـ . وـيـسـوعـ هـوـ عـبـدـ . الـاـبـ الـحـبـيـبـ . الـصـلـاـةـ الـاـخـيـرـةـ . كـلـ دـهـ اـحـنـاـ - 00:35:33

لـسـةـ فـيـ رـسـالـةـ كـلـيمـنـدـسـ الـأـولـىـ . اـخـيـرـاـ فـلـيـهـنـاـ اللـهـ السـيـدـ عـلـىـ الـكـلـ . وـسـيـدـ الـاـرـوـاحـ وـرـبـ كـلـ جـسـدـ الـذـيـ طـارـ يـسـوعـ الـمـسـيـحـ وـنـحـنـ بـهـ
لـنـكـونـ شـعـبـ الـخـاصـ وـنـحـنـ بـهـ لـنـكـونـ شـعـبـ الـخـاصـ . بـغـضـ النـزـرـ عـنـ الـصـيـانـةـ . يـعـنـيـ هـوـ بـيـتـكـلـمـ عـنـ اللـهـ الـلـيـ هـوـ الـاـبـ - 00:35:57

الـسـيـدـ عـلـىـ الـكـلـ وـسـيـدـ الـاـرـوـاحـ وـرـبـ كـلـ جـسـدـ . الـذـيـ اـخـتـارـ يـسـوعـ الـمـسـيـحـ . الـاـبـ اـخـتـارـ يـاـ الـبـنـ يـاـ رـوـحـ الـقـدـسـ . مـاـ فـيـشـ مـعـنـيـ غـيـرـ كـدـهـ - 00:36:17

دـهـ لـوـ فـيـ سـيـاقـ الـثـالـوـثـ يـعـنـيـ . بـيـقـىـ اـحـنـاـ كـدـهـ خـلـصـنـاـ رـسـالـةـ كـلـيمـنـدـسـ الـأـولـىـ . باـكـدـ مـرـةـ تـانـيـةـ اـقـدـمـ كـتـابـ مـسـيـحـيـ خـارـجـ الـعـهـدـ الـجـدـيـدـ .
Bـيـقـولـ اـنـ الـاـبـ هـوـ الـلـهـ الـوـحـيدـ وـانـ يـسـوعـ هـوـ عـبـدـ اللـهـ الـاـبـ . لـاـ يـظـهـرـ فـيـهـ اـبـداـ ايـ اـشـارـةـ مـحـتـمـلـةـ . اـنـ الـرـاجـلـ دـهـ بـيـعـدـ يـسـوعـ -

00:36:37

الـمـسـيـحـ مـشـ مـوـجـودـ . طـيـبـ رـسـالـةـ كـلـيمـنـدـسـ الـثـانـيـةـ نـسـأـلـ نـفـسـ الـلـاـسـئـلـةـ . مـيـنـ الـلـيـ كـتـبـ ؟ اـتـكـتـبـ اـمـتـىـ ؟ مـخـطـوـطـاتـهـ عـاـمـلـةـ اـزـايـ ؟ هـنـاـ
Bـيـقـولـ لـكـ باـخـتـصـارـ عـشـانـ مـاـ نـضـيـعـشـ وـقـتـ . الرـسـالـةـ دـيـ اـتـسـمـتـ رـسـالـةـ اـكـلـيمـانـدـسـ الـثـانـيـةـ . صـاغـهـاـ قـسـ مـجـهـولـ وـهـيـ اـقـدـمـ عـظـةـ -

00:36:57

وـمـسـيـحـيـةـ باـقـيـةـ حـتـىـ الـاـنـ وـكـامـلـةـ خـارـجـ الـعـهـدـ الـجـدـيـدـ . وـطـبـعـاـ هـنـاـ بـيـقـسـ آـآـ عـظـةـ رـسـالـةـ مـشـ عـارـفـ مـيـنـ . هـوـ هـنـاـ هـيـوـضـحـ اـنـ الـكـتـابـ دـهـ
اـهـ كـتـابـ قـدـيـمـ بـسـ صـاغـهـاـ قـسـ مـجـهـولـ اـحـنـاـ مـاـ نـعـرـفـشـ مـيـنـ الـلـيـ كـتـبـهاـ . هـيـ مـشـ مـنـسـوـبـةـ لـكـلـيمـنـدـسـ - 00:37:18

اوـ هـوـ مـاـ كـتـبـهـاـشـ كـلـيمـنـدـسـ صـاغـهـاـ قـسـ مـجـهـولـ . كـمـ نـسـبـتـهـاـ فـيـمـاـ بـعـدـ كـلـيمـنـدـسـ مـاـشـيـ الرـسـالـةـ دـيـ اـتـكـتـبـتـ اـمـتـىـ ؟ مـنـ الـمـسـيرـ لـلـدـهـشـةـ
اـنـهـ وـبـالـرـغـمـ مـنـ اـنـ الـعـظـةـ قـدـ اـفـتـرـضـ فـيـهـاـ اـنـهـ تـسـتـحـقـ الـحـفـظـ . الـمـفـروـضـ - 00:37:34

بـقـىـ دـهـ كـتـابـ مـهـمـ . كـتـابـ مـهـمـ صـاغـهـاـ قـسـ مـجـهـولـ اـولـاـ اـحـنـاـ مـاـ نـعـرـفـشـ مـيـنـ الـلـيـ صـاغـهـاـ . وـثـانـيـاـ فـانـ لـاـ شـيـءـ بـالـفـعـلـ مـعـرـوفـ عـنـ كـاتـبـهاـ اوـ
تـارـيـخـهاـ اوـ منـاسـبـةـ تـحـرـيرـهاـ . مـاـ نـعـرـفـشـ عـنـهـ ايـ حاجـةـ . لـاـ نـعـرـفـ مـيـنـ الـلـيـ كـتـبـهاـ وـلـاـ نـعـرـفـ اـتـكـتـبـتـ اـمـتـىـ - 00:37:52

اـولـاـ اـعـرـفـ منـاسـبـةـ تـحـرـيرـهاـ . طـيـبـ . فـيـ الـاـلـاـخـرـ بـيـقـولـ بـيـقـىـ تـارـيـخـ وـمنـاسـبـةـ كـلـيمـنـدـسـ الـثـانـيـةـ اـذـ مـنـ الـلـاـسـئـلـةـ الـتـيـ تـنـظـلـ بـلـاـ اـجـاـبةـ فـيـهـ نـاسـ
Bـيـقـولـ عـمـالـةـ تـقـرـرـ تـوـارـيـخـ مـخـتـلـفـةـ . الـلـيـ قـالـ لـكـ سـنـةـ مـيـةـ مـيـلـادـيـةـ وـالـلـيـ قـالـ لـكـ قـرـبـ مـشـ عـارـفـ مـيـنـ قـبـلـ مـنـتـصـفـ الـقـرـنـ ثـانـيـ -

00:38:12

مـاـ نـعـرـفـ بـالـزـبـطـ . طـيـبـ اـنـتـ يـعـنـيـ عـلـىـ ايـ اـسـاسـ قـلـتـ هـيـ اـقـدـمـ عـظـةـ مـسـيـحـيـةـ باـقـيـةـ حـتـىـ الـاـنـ وـكـامـلـةـ خـارـجـ الـعـهـدـ الـجـدـيـدـ . رـسـالـةـ

كليمندوس الاولى رسالة الى كورينسوس دي عظة ومش رسالة مع ان انتقال عنها ان هي رسالة ما علينا. عايز بس تاخده في الحسان. ان احنا ما نعرفش، مبن: الله، كتب وما نعرفش. - 00:38:32

امتى كتب ولا كتب لمين. طيب المخطوطات اخبارها ايه ؟ معروف ان هناك ثلاث نسخ فقط للرسالة. كل منها ايضا يحتفظ معه بكلمندس. الاول .. هو . تقريرا ما اتحفظتش. غير علشان. المسحب: كانوا بيدو حها مع كلمندس. الاول . - 00:38:55

نفتح كلية الهندسة، الثانية بنلاقي، نوع من التطور في، الكلام عن: المسيح. أيها الاخوة والأخوات - 00:39:15

يليق بنا ان نفكر في يسوع المسيح مثلما نفكر في الله. كديان للحياء والاموات. نفكر في يسوع المسيح مسلماً نفكـر في الله. لما تبصـ عـلـى النـصـ اليـونـانـ النـصـ اليـونـانـ يـقـوـا فـكـرـ فـ يـسـوعـ المـسـيـحـ كـمـاـ اللهـ ماـ فـيـشـ لـفـظـ الـحـالـةـ اللهـ 00:39:33

اـهـفـهـلـهـوـهـوـكـانـبـيـقـولـنـفـكـرـفـيـيـسـوـعـالـمـسـيـحـمـسـلـمـاـنـفـكـرـفـيـالـهـنـعـتـبـهـالـهـيـيـعـنـيـوـلـاـفـكـرـفـيـيـسـوـعـمـسـلـمـاـنـفـكـرـفـيـالـهـوـتـقـيـ،ـبـرـضـهـهـأـنـيـتـقـوـاـ،ـأـنـالـمـسـيـحـهـوـالـلـهـوـلـاـأـنـتـ-~00:39:53~

عامله على انه الله ولا هي عبارة مبهمة بس فيه تطور في الموضوع. فين الروح القدس في الموضوع برضه ما فيش. طيب مقطع تانى . بمقوا، ايه؟ وهكذا اذ نعاب: انه اظهر نحمنا، حمة كمذه فانه وقا. كا. شيء علينا ونجـ: الاحباء - 00:40:13

الآن نذبح لله ميتة والا نتعبد لها بل نعبد الذي به عرفنا الاب ابا الحق نعبد الذي به عرفنا الاب. يعني هو بيقول احنا بنعبد المسيح.
بضمه به تطهه طب فـ الوجه القدس - 00:40:33

موجود مقطع تاني ده تبع موضوع انجيل يسوع لان الرب يقول في الانجيل ان لم تكونوا امناء في القليل من يأت منكم على فاني اقول لكم الامين في القليل امين ايضا في الكثير. الكلام ده موجود فين ؟ في الهامش كاتب المصدر غير مؤكد. ربما من انجيل المצריين - 00:40:51

يبيقول الرب بيقول في الانجيل والنصل ده مش مش موجود ما بين ايدينا دلوقتي. النقطة دي مكررة كثيرة في كتابات الاباء في القرن الثاني والاباء في الآخر بيقول ايه؟ ايها الله الواحد الغير المنزور ابا الحق - 00:41:11

ابي الله الواحد الاب الذي ارسل اليانا المخلص ومؤسس الخلود الذي به ايضا اعلن لنا الحق والحياة السماوية له المجد الى الابد الى
ابد الابدين. هو انت بتبعد المسيح ولا ما بتبعديوش - 00:41:28

انت ايه موقفك بالزبطة ؟ ايها الله الواحد الاب. وبعدين الذي ارسل اليانا المخلص ده تجسد ولا ايه بالزبطة مش عارفين طب فين الروح القدس في الصلاة دي ؟ يعني ديزكسنولوجية تسبحة. بيقول الله الواحد الاب وجاب سيرة الابن. فين الروح القدوة -

المظلوم ده الله المستعان. يبقى رسالة كليمندوس الاولى ما فيهاش اي ملمح من ملامح الثالوث او الوهية المسيح. اكليمندس سانية التطمر بـ ٠٤٢٠٣ - ٠٣١٤٢٥ الميلادي، وهو من نصوصه المكتوبة بالخط اليدوي.

د بيمثل انهي وقت في التاريخ المسيحي. رسائل اغناطيوس. اغناطيوس الانطاكي ده احد اهم الاباء الكنسيين. كتبا و رسائل اغناطيوس الانطاكي مكتوبة باللغة اليونانية. تكلم عن اخلاقها و عقائدها و اعمالها. اهم افكارها هي معرفة الله و اتباع امره و انتقام من اعدائه.

های الاغناتیس قد اثرت بشكل بالغ فيما بعد على الفكر اللاهوتي. ماشي. الرسائل دي اتكتبت امتي؟ كان هناك شبه اجماع تقريباً ان اغناطیوس قد نال الشهادة اثناء فترة حكم تراجان. يعني هو مات - 00:42:43

في الفترة تمانية وسبعين لمية وسبعين لـ اواخر القرن الاول بدايات القرن الثاني. طب الرسائل دي كتبها امتنى ؟ فيه خلاف في الموضوع. والفترة كانت اوصل لغاية مية تمانية وتلاتهين. هنا بص مكتوب ايه ؟ الذين ينكرؤن اصالة الرسائل. يميلون الى وضع تاريخها نحو منتصف - 00:42:59

في النصف الثاني من القرن الثاني الميلادي. واحد العلماء بيقول ان رسائل اغناطيس وبوليكاربيوس من المرجح انها قد كتبت بعد عام مئة وتلاتين: عبد ميلاده.. فـ، مشاكا، كتب حوالى: زمن الكتابة، ليه؟ لانـ، فيه مشاكا، حوالى: اصالة الرسائـ.. الرسائـ، دـ، - 19:43:00

اعلن كتبها اغناطيوس ولا لا؟ اغناطيوس نفسه ممکن يكون مات في فترة حكم تراجان من تمانية وتسعين لمية وسبعيناشر. لكن هل الرسائل دي فعلا كتبها اغناطيس الانطاكي؟ كل ما قيل عن اغناطيوس يرتكز - [00:43:39](#)

على الاستنتاج بان الرسائل السبع فيما يدعى النص المنقح متوسط الطول هي رسائل اصلية. وهذا الاستنتاج بشكل موسع هذه الايام. لكن لم يكن الامر كذلك قبلها. هنا عاوز يقول لك ايه. اصل رسائل اغناطيوس دي لها تلات اشكال. وفي - [00:43:55](#)

ما بين العلماء انهي شكل فيهم هو الاصل اللي يرجع لاغناطيوس فعلا. الكلام ده مهم جدا. يعني من الآخر دي متهمة بالتزوير والتحريف. هي اتحرفت قطعا. هي عندها اشكال مختلفة للنص. فالعلماء على - [00:44:15](#)

خلاف هل فيه ضمن التلات اشكال دول. اي شكل منهم صحيح ولا كلهم محرفين مزورين بيقول لك تتتوفر رسائل في ثلاثة اشكال النص المنقح الطويل. ويكون من نسخة موسعة من الرسائل الاصلية التي تم تحريرها في القرن - [00:44:35](#)

رابع مصحوبة بست رسائل مزورة. الله اكبر! ربنا يزيد! وبعدين! اما النص القصير فهو موجز سرياني الرسائل الى اهل افيسوس. واهل روميا والى بوليكاربوس. اما النص المتوسط الطول الذي كان معروفا ليوسابيوس فهو يحتفظ بالشكل الاصلي - [00:44:55](#)

الرسائل ده عند بعض العلماء. يعني فيه بعض العلماء بيقولوا الشكل المتوسط الطول يعني عندها شكل قصير مختصر طويل محرف ومزور. وفيه بقى متوسط الطول. يعني خير الامور الوسط. فالمتوسط الطول ده هو النص الاصلي. طيب. النص - [00:45:15](#)

ده مخطوطات وآخبارها ايه. شف هنا بيقول ايه. النص اليوناني الذي تقوم عليه تلك الترجمة. الترجمة اللي هو هيعرضها. كان قد تمت اعادة صياغته على اساس المصادر الاولية التالية. اقدم مخطوطة بترجع للقرن الحداشر - [00:45:35](#)

يا لهوي! القرن الحداشر انت المفروض بتتكلم عن اغناطيوس الانطاكي المفروض ده اللي بعد كلمندس الاولى في القدم اقدم مخطوطة له للقرن الحداشر. يا جماعة بالله عليكم انت فاهمين احنا بتتكلم عن ايه. رسائل منسوبة لاغناطيوس الانطاكي - [00:45:55](#)

اللي ممکن يكون مات سنة مية وسبعيناشر ميلادية. رسائله دي لها تلات اشكال يعني متحرفه والعلماء ما بينهم خلاف. هل فيه شكل منهم ما زال محتفظ بالاصل؟ ولا كله مزور ومحرف؟ طيب - [00:46:15](#)

هنفترض ان الشكل المتوسط هو الشكل اللي مش مزور. اقدم مخطوطة من القرن الحداشر. النص فضل محفوظ زي ما هو انقطاع الف سنة النص فضل محفوظ زي ما هو ازاي تفترض كده؟ يعني بamarة ايه؟ اش حال انت قصادر تلات - [00:46:33](#)

مختلفة. يعني رسائله اتحرفت يقينا. ازاي تقول لي ان فرق الف سنة والنطش فضل زي ما هو محفوظ. انا باكد على الكلام ده ليه؟ علشان لما نقرأ رسالة اغناطيوس الى اهل افاسيس بيقول بمشيئة الاب ويسمع المسيح - [00:46:53](#)

مهما تعرف قطعا ولا شك ده شكل متاخر من العقيدة دي في المسيح اللي بيخليله يتكلم بارتياح يسوع المسيح هنا ما بنلاقيش زيه في رسالتك لمهندس الاولى. ما بنلاقيش زيه وانا باقول الكلام ده تنزل في اغلب العهد الجديد - [00:47:13](#)

نفسی افهم ازاي المسيحي بيجد في نفسه الجرأة انه يستشهد مثلا بالنص ده من رسالة اغناطيوس الى اهل افا على ان ده دليل ان اغناطيوس كان بيؤمن بلوهية المسيح. وده احد الاباء الرسوليين. اللي مات في النصف الاول من القرن الثاني الميلادي - [00:47:33](#) انا بعتبر ان دي بجاحة. بجاحة ان انت تعمل كده دي بجاحة. بيقول تم تطبيب واحد هو انسان وروح في ان واحد. هو انسان وروح وروح ولا الله؟ آآ يعني ايه انسان وروح في ان واحد؟ مولود - [00:47:53](#)

وغير مولود. يعني ايه مولود وغير مولود؟ الله فيه انسان فيه بعض المخطوطات بيقول لك تمت القراءات اكتر بتقول الله الذي جاء في الجنة واضح جدا ان دي متاخرة. الله في انسان حياة حقة في الموت. من مريم ومن - [00:48:08](#)

الله في ان واحد. فين الروح القدس في الموضوع؟ مش موجود. رسالة اغناطيوس الى اهل سميرنا. ومجد يسوع المسيح. الله الذي جعل لكم في غاية الحكمة. بيستخدم لفظ الحاله الله في الكلام عن المسيح. خريسولوجيا متاخرة جدا. رکز في النقطة اللي جاية دي عشان دي نقطة مهمة قوي. وتأسستم راسخ - [00:48:28](#)

في المحبة بدم المسيح مقتنيين بالكامل من جهة ربنا انه بالحق من نسل داود حسب الجسد وابن الله الذي من جهة المشيئة والقدرة الالهية مولود بالحق من عذراء. يعني ايه ابن الله الذي من جهة المشيئة والقدرة الالهية - [00:48:48](#)

مولود بالحق من عذراء. فيه هنا في الهاشم بيقول ايه؟ حرفيا المشينة والقدرة. ونقرأ في بعض النسخ القديمة مشينة الله وقدرته.

يعني النص بيقول ابن الله الذي من جهة مشينة الله وقدرته. مولود بالحق من عذراء. يعني ايه؟ يعني ايه الكلام - 00:49:08

عن انه ابن الله من جهة المشينة والقدرة الالهية. او بقدرة الله ومشينته. ان الله من جهة المشينة والقدرة ان الله بقدرة الله ومشينته.

كنت ذكرت قبل كده في بعض الفيديوهات اللي بنتكلم فيها عن اباء ما قبل نقية. ان ده كان تصور بعض - 00:49:28

ان الابن مولود من الاب بارادة الاب. العقيدة دي عند اباء عصر المjamعة هرطقة. لو جيت تسأل اثناسيوس لو اكيد تسأل كريلس

الاسكندرى. الاب بولد الابن بارادته ولا من غير ارادته. هيقول لك الولادة ما لهاش دعوة بالارادة والمشينة. فده تصور كان موجود -

00:49:48

في القرن الثاني والتالت متعلق ببنوة المسيح لله هي في ضوء كتابات اباء عصر المjamعة هرطقة. هنا في رسالة اغناطيس الى اهل

السماء بيقول يخضعون للدينونة انهم لم يؤمنوا بدم المسيح. شف الهاشم بيقول ايه؟ ان لم يؤمنوا بدم المسيح - 00:50:08

تضيف بعض النسخ الذي هو الله بعد لفظة المسيح شوف البجاحة شوف التحرير البجح. طب احنا ايش درانا ان مثل هذه

التحريفات حصلت في كتابات الاباء مع الزمن وان ده - 00:50:28

الا يمثل عقيدة ارناطس الانطاكي. انت بتتكلم عن مخطوطه بعديه بالف سنة. ومحترفة. ادي خرستو اللي هو المسيح يعني في

الهاشم مخطوطات بتضيف الذي يكون الله. انا هكتفي بهذا القدر في هذا الفيديو. وباذن الله عز وجل في الفيديو القادم - 00:50:44

نبأ من كتاب بوليكاريوس الى اهل فيليب. لكن حابب بس اؤكد على نقطة ان اللي احنا قريناه لغاية دلوقت بيأكيد بما لا يدع مجال

ان اقدم نص مسيحي بعد العهد الجديد اللي هو رسالة كلمensis الاولى ما فيهاش ابدا اي ملحم للثالث - 00:51:04

او عبادة المسيح. عرضنا بعد كده رسالة اكليمensis الثانية. ما نعرفش مين اللي كتبها وما نعرفش اتكلبت امتى. بدأنا نلاقي ملامح

تطور. وبعد كده رسائل اغناطيوس. اقدم مخطوطة بعديه بالف سنة. وفي خلاف ما بين العلماء هو النص المتوسط ده بالفعل اصيل

ولا مزور - 00:51:24

ولا ايه؟ وخلاف الرسائل دي اتكلبت امتى؟ وهل هي بالفعل اصيلة ولا وبنلاقي فيها ملامح تطور لكن برضو ما وصلناش لعقيدة لسه

بدري لو فيه اسئلة ممكن آآآ نناقش الاسئلة - 00:51:44

سؤال حلو. المعيار اللي بيستندوا عليه علشان يقولوا ده هرطقة ولا لا. ما فييش معيار. ما فييش معيار غير ان الكنيسة بشكل رسمي

في زمن الاب ده حرمت الاب. واعلنت ان اللي بيقولوا دي هرطقة. خلي بالك ما فييش احكام سابقة الا نادرًا. يعني ايه - 00:52:00

يعني نادرًا جدا ما تلاقي ان اب من القرن الرابع او اب من القرن الخامس بيقيم مجمع علشان يحرم فيه حد من القرن الثاني او الثاني

الا لو عقدت تمت احيائها من جديد وبقى فيه معاصرین آآآ بيرددوه فيتقاول وقتها - 00:52:20

اه ده ده كلام ابوليناريوس ولا ده كلام سابيليوس ولا ده كلام مش عارف مين! يعني فيه بعض المجامع بالفعل آآآ قالت ان بعض

الهرطقات اللي تم احيائها في زمنها بترجع لناس من قرون سابقة بس دول ما كانواش اباء الكنيسة. كانوا ناس ما هو - 00:52:40

بما ان الكنيسة اعلنت بشكل رسمي انهم هراطقة يبقى خلاص ما بقوش ابان كده. لكن كل الذين تم اعلانهم على انهم هراطقة كانوا

في الاصل اباء بعدين انحرفوا والكنيسة حكمت عليهم. لكن في فرق كبير ما بين ان مثلا اريناؤس اسقف ليون كان معاصر او قريب

من - 00:53:00

فالنتينو سلوكيانوس والناس دول فحرامهم او اعلن انهم هراطقة او على اقل تقدير مثلا يبقى الاب قريب يعني من القرن الثالث علق

على ناس قبليه من القرن الثاني او حاجة زي كده. لكن غير كده بما ان الكنيسة ما اعلنتش انه محروم يبقى هي لا تحكم على كتاباته

بانها هرطقة - 00:53:20

بس فيه ملحم مهم في الموضوع. زي ما احنا قرينا في المحاضرة دي اغلب اباء عصر المjamوع كان غايب عنهم كتابات الاباء

الرسوليين وكتابات الاباء اللي قبل منهم. انت لا تجد ده واقعيا. افتح كده كتابات اثناسيوس الرسولي. لا تجد ابدا تقريرا انه بيقول -

00:53:40

العقيدة دي شرحها الاب الفلااني اللي من القرن الثاني او الاب الفلااني اللي من القرن الثالث. وادي كلامه اهو. زي ما قرينا النهاردة يوسابوس القيصري مؤرخ كان بيعمل كده بيعرض اقوال اباه اللي قبله لكنه حالة نادرة. ما فيش زيه وهو لما عمل كده احتفظ -

00:54:00

باقوال مهمة جدا لاباء اوائل. كتاباتهم ضاعت دلوقتي فالواقع ان فيه انقطاع عن الاجيال السابقة. كتابات الاباء الرسوليين ما حدش كان مهتم بها ولا بيقتبس منها. وبالتالي احنا هنحكم عليها هم هراتقة ولا مش هراتقة؟ احنا اصلا مش مهتمين بها ولا بنقرها.

كتابات اباء القرن الثاني كتابات اباء القرن الثالث قبل ما اجمع نيقيا - 00:54:20

ما تبعض في كتابات اباء القرن الرابع ولا في اي ذكر ولا بدرج لها ولا بنتقبس منها ولا بنشير اليها. لكن زي ما قلنا برضه النهاردة لما وصلنا بقى للقرن - 00:54:45

انتاشر وبدأنا نكتشف مخطوطات وبدأنا نعمل دراسات بدأت تظهر بقى الدنيا دي كلها. ده فيه اباء ما قبل نيقيا عقائدهم مختلفة المجامع ده فيه تطور للعقيدة وهكذا. لكن الاباء ما كانواش بيدرسوا كتابات الاباء اللي قبل منهم ويقيموها - 00:54:59

دي هرطقة مش هرطقة. برضه فيه نقطة مهمة في الآخر بخصوص السؤال ده. لما نيجي نشوف حد مسلا زي اولجانوس الكنيسة حكمت عليه بأنه مهارتمن هل حكمت عليه انه مهارتنه بسبب رأيه فيما يخص الوهية المسيح او الثالوث؟ لأن بسبب اراء تانية ما لهاش علاقة بالوهية المسيح او - 00:55:19

السالوس او رأيه في التجسد او كذا. فغالبا غالبا الكنيسة لما كانت بتحرم حد في فترة اباء ما قبل مجمع نيقيا ما كانش الحرم بسبب رأيه في الوهية المسيح. او رأيه في الثالوث. لأن لغاية مجمع نيقيا الحوار الاريوسي - 00:55:39

اللي على اساسه اتعمل مجمع نيقية. يا جماعة ده احنا في القرن الرابع سنة تلتيمية خمسة وعشرين. وهنعمل مجمع نشوف فيه هل المسيح الله حقيقي مستحق العبادة ولا مخلوق وليس الله حقيقيا مستحقا للعبادة. احنا لسة فايقين اننا نقnen العقيدة فيما يخص يسوع المسيح - 00:55:59

ونقnen العقيدة فيما يخص روح القدس. ونقnen العقيدة فيما يخص طبيعة المسيح. قبل كده لأن يعني الدنيا كانت ايه؟ فيها حرية ومرونة كبيرة جدا جدا. كلمة خريستولوجي زي بيلوجي زي اي حاجة اخرها اولوجي. بيبقى معناها العلم المختص - 00:56:19
كذا باخر استولوجي جاية من الكلمة خريستوس ولوجيا او لوجيا واللي هي فيما بعد بقى بالانجليزي زي بيلوجي زي اي حاجة خريس تولوجي. كريستولوجي. العلم المتعلق باليسوع. يعني العلم المتعلق بدراسة - 00:56:39

قصة العقيدة حول المسيح واي حاجة متعلقة باليسوع في كتابات الاباء وفي العهد الجديد وهكذا. فده اسمه خريستولوجي. لما بنقول خريستولوجي نقصد العقيدة في المسيح. ماريولوجي العقيدة في مريم. اسخاتولوجي العقيدة في الايمان باليوم الاخر او قيام الساعة - 00:56:59

سيولوجي العقيدة في الله. العلم المتعلق بدراسة الموضوع ده. فخر استولوجي العلم المتعلق بدراسة العقيدة في المسيح. السؤال ده حل على اي اساس بيعرف ان الرسالة اصلية ولا لأن الموضوع ده زي بالزبط ما بنعرف على اي اساس نعرف كاتب الانجيل - 00:57:19

هو مين؟ يعني هي هو نفس المبحث. دراسة من هو كاتب اي سفر من اسفار الكتاب المقدس القديم والعهد الجديد داخل فيه قصة من هو كاتب اي كتاب ظهر في التاريخ المسيحي المبكر. بيبقى قائم على الدليل الداخلي والدليل الخارجي. الدليل - 00:57:39
ابتداء هو الكتاب نفسه هل بنقدر نعرف منه من هو الكاتب؟ فالكتب بتبقى متقسمة قسمين. يا اما الكتاب نفسه بيقول مين اللي كتبه كادعاء او لا يقول الكتاب اصلا مجھول للكاتب يعني لما تقرأه من اوله لآخره ليس فيه - 00:57:59

ما يدل على هوية الكاتب. فمسلا جيل اربعة واعمال الرسل في الاصل كتابات مجھولة الكاتب لأن النص نفسه لا يدل على هوية الكاتب. اما مثلا رسالة بولس الى اهل رومية فبنلاقي فيه في بدايته نص بيقول بولس عبد يسوع المسيح ولا بولس رسول المسيح

00:58:19

فهو بيقول ما يعطيك معلومة ان الرسالة دي كتبها واحد اسمه بولس. الى مسلا كنيسة الله في روما او مش عارف. فبتقدير من خال
النص نفسه تعرف. فده اسمه الدليل الداخلي. هل فيه - 00:58:39

في حاجة داخل النص بتدل ولا لأ؟ لو فيه حاجة داخل النص بتدل لازم برضو نبحث في مدى موسوقة هزا الادعاء. فبنرجع بقى
الدليل الخارجي. الدليل الخارجي يعني باختصار اي تراث او اي تاريخ بيتكلم عن الكتاب ده وبيعطيينا - 00:58:53

عنه اي معلومة زي مثلا آيوساس القىصرى في كتابه تاريخ الكنيسة بينقل عن بابايس اللي عاش في مية خمسة
وعشرين ميلادية ان مرقص كتب انجيل. ومرقص ده كان تلميذ بطرس. ونبتدي بقى نشوف هل المعلومات دى لها قيمة تاريخية -
00:59:13

ولا ما لهاش هل لها موسيقية ولا ما لهاش؟ هل احنا نعرف بابيص ده ولا دراسات كثيرة متعلقة بالتاريخ والتراث؟ في النهاية اقصى
ما يمكن ان يصل اليه المسيحي من موسوقة ان دليل داخلي يوافق دليل خارجي. يعني ايه؟ يعني - 00:59:33

ده اللي بيحكوا عن الكتاب ده بيقولوا عنه کلام. ولما نيجي نقرأ الكتاب نلاقيه انه بيايد نفس الكلام. فيبقى الدليل الداخلي يؤيد
الدليل الخارجي بيقى غالبا الكلام ده صح. لكن مع الاخذ في الاعتبار ان التراث المسيحي ضعيف جدا وفقير. فالدنيا صعبة. احنا
عاملين - 00:59:53

فيديوهات على قناة الدعاة الاسلامية. اجزاء بعنوان التقليد الكنسي حول كتبة الانجيل الاربعة تحت الاختبار. جزء اول تاني تالت
رابع خامس سادس لستة همتوجه وهرفعه على القناة. كل ده بنعمل فيه ايه؟ بنجيب التقليد ونحلله اللي هو الدليل الخارجي ونشوف
مدى انطباع - 01:00:13

الدليل الخليجي ده على الكتاب اللي ما بين ايدينا دلوقت. ولو فيه عندنا اكتر من روایة في التقليد نقارن الروايات دي ببعض ونشوف
هل الروايات دي بتكمel بعض ومتتسقة ومتتفقة ولا متناقضه؟ ففي النهاية لو وجدنا مسلا ان التقليد بيتكلم ان - 01:00:33
كتب انجيل بالعبري. وبعدين لما نيجي ندرس الانجيل اللي ما بين ايدينا دلوقتي نلاقي ان الانجيل ده مكتوب اصلا باليوناني وليس
مترجمها العبرية يبقى بنفهم من كده ان الكلام بتاع التقليد ده لا ينطبق على الانجيل اللي ما بين ايدينا. وان التقليد بيتكلم عن حاجة
ثانوية - 01:00:53

غير لما بين ايدينا يبقى ده لا ينطبق على ده. يبقى ده ما لوش دعوة بده. يبقى ما ينفعش تقول ان الانجيل ده كتبه متى. فهـي بنفس
الطريقة بيدرسو الكتابات الاباء الرسوليين يعني على سبيل المثال رسالة كلمندوس الثانية دي من ناحية الدليل الداخلي الكتاب
نفسه ما - 01:01:13

ما بيذكرش مين اللي كتبه. وبعدين من ناحية الدليل الخارجي تقريبا ما فيش اي روایات تقليد كنسى بيتكلم عن الموضوع لها قيمة
فبالتالي لا في دليل داخلي يقول لنا مين اللي كتب ولا في دليل خارجي يقول لنا مين اللي كتب! فهنعرف منين مين اللي كتب! ما
احناش يعني عندنا - 01:01:33

السحرية وهندوك وهنروح هنرجع بالزمن لغاية ما نقفش اللي كتب ونعرفه هو مين. فهي دي الفكرة. برضو يعني ده اهم ما يخص
الموضوع لكن اكيد فيه تفاصيل تانية اكتر من كده. ما فيه فيديو على قناة الدعاة الاسلامية عن الكهنوـت والرتب الكهنوـتـية في
الكنيسة. هـم - 01:01:53

المفروض فيه تلات رتب رئيسية. رتب كهنوـتـية كنسـيةـ. كاهـنـ يعني له عـلاقـةـ بالرسـلـ. له عـلاقـةـ بمسـحةـ الروـحـ القدسـ. يعني يقدر اسرار
الكنيسةـ. فـاقـلـ رـتبـةـ الشـمـاسـ. الشـمـاسـ دـهـ يـعنيـ خـدامـ. خـدامـ فـيـ الكـنـيـسـةـ. خـدامـ يـعنيـ يـخدمـ. الاولـ - 01:02:13

الـليـ اـعـلـىـ مـنـهـ القـسـيسـ. قـسـيسـ يـعـنـيـ مـعـلـمـ. الـلـيـ اـعـلـىـ مـنـهـ اـسـقـفـ. اـسـقـفـ يـعـنـيـ الرـئـيسـ بـقـىـ الكـبـيرـ الـابـ الليـ بـيـدـيرـ الـلـيـلـةـ كـلـهاـ. فـغالـبـاـ زـيـ

ما قـلتـ النـهـارـدةـ الكـنـيـسـةـ المـبـنـىـ الكـنـسـيـ الكـبـيرـ بـيـقـىـ فـيـ اـسـقـفـ وـاحـدـ. تـحـتـيـهـ قـساـوـسـةـ تـحـتـيـهـ شـمـامـسـةـ - 01:02:33

الـاسـقـفـ بـيـكـلـفـ القـساـوـسـةـ. وـالـاسـاوـسـةـ بـيـكـلـفـواـ الشـمـامـسـةـ. فالـشـمـاسـ دـهـ مـمـكـنـ تـلـاـقـيـهـ بـيـنـضـفـ الـكـنـيـسـةـ. بـيـسـاعـدـ القـسـيسـ فـيـ ايـ حاجـةـ
يـقـولـ تـرـاتـيلـ وـتـرـانـيمـ. وـالـقـسـيسـ دـهـ هوـ الـلـيـ بـيـمارـسـ اـسـرـارـ الـكـنـيـسـةـ السـبـعـةـ. وـاحـيـاناـ بـيـسـاعـدـ الـاسـقـفـ فـيـ بـعـضـ اـسـرـارـ الـكـنـيـسـةـ. وـبـيـعـلمـ

بيدي وعظ وهكذا. والاسقف ده بقى هو المدير الكبير اللي بيعطى المهام للقساؤسة. اللي بيعطوا المهام للشمامس. ما يبقى شمامس خادم. وقس شيخ معلم. واسقف انا مش فاكر الترجمة بالظبط الكلمة اليونانية لكن هو معناه يعني ده الرئيس بقى الكبير. فيه طبعا درجات في الشمامسة ودرجات في القساوسة ودرجات - 01:03:13

في الاسقفية اعلى درجة في الاسقفية هو البابا. بابا الكنيسة في اسقف في درجة اعلى اللي هو المطران. مطران ده يعني محافظ بيدير اكتر من كنيسة. هو اللي بيعين الاساقفة اللي بيمسكون كل كنيسة. فيبقى مسلا مطران شبرا الخيمة. كل كنائس شبرا الخيمة - 01:03:38

هو اللي ايه مسؤول عنهم. وبعدين القسيس فيه قسيس وفيه درجة اعلى قمص. قمص ده رئيس قساوسة. فتلقي اسقف بيعامل مع القمص. القمص بيعامل مع باقي القساوسة. والشمامس ده اقل رتبة كهنوتية خالص. وغالباً بيبدأ بانه يكون - 01:03:58
مرتل في الكنيسة وقت القدس بيقدّم يقرأ الصلوات او يقرأ الصلوات او حاجات زي كده. ويساعد القساوسة في ادارة الشعب واي حاجة بقى القسيس يقول له يعملها. جزاكم الله خيراً على حسن الاستماع واسف جداً على الاطالة واسف ان ساعات باقول ان ممكن محاضرة تاخذ - 01:04:18

محاضرة واحدة لكن الاقيـها فرـدت على محـاضـرتـين لكن غـصب عـني اـتـمنـى فيـ النـهاـيـة انـ فـايـدـة تـصلـ لـلـجـمـيـع وـتـكـوـنـ الـاطـالـةـ يـعـنـيـ لـهـ قـيـمـةـ وـالـىـ انـ نـلـتـقـيـ فـيـ الـمـحـاضـرـةـ الـقـادـمـةـ باـزـنـ اللـهـ عـزـ وـجـلـ سـبـحـانـكـ اللـهـمـ وـبـحـمـدـكـ اـشـهـدـ انـ لـاـ اللـهـ اـلـاـ اـنـتـ اـسـتـغـفـرـكـ وـاتـوبـ لـيـكـ لـاـ تـنـسـوـنـيـ مـنـ صـالـحـ دـعـائـكـ وـسـلـامـ عـلـيـكـ - 01:04:38
ورحمة الله وبركاته - 01:04:58